

Svilups decisivs en il project da fusiun Val d'Alvra

■ **(Ir) La Lia Rumantscha beneventa ils svilups en il project da fusiun da las vischnancas da la Val d'Alvra Dadora: la nova vischnanca duai avair num Alvra. Sa decida era Lantsch per la fusiun duai la scola rumantscha vegnir installada a Lantsch.** Las midadas previstas en il messadi davart il project da fusiun da la Val d'Alvra Dadora pon ins leger en ina communicaziun da la grupp da project. Represchentants da la Lia Rumantscha èn dapi pli lung temp en contact cun la grupp da project sco era cun las suprastanzas communalas da las vischnancas partecipadas. Ils discurs davart la dumonda tge effects che la fusiun en mira avess per la lingua e cultura rumantscha èn stads fitg constructivs. La Lia Rumantscha beneventa en quest connex la nova proposta che la vischnanca futura duai avair num Alvra. Quest num tegna quint da la situaziun linguistica tradiziunala.

La scola rumantscha

Il messadi revedi per mauns da la radunanza communal da Lantsch prevesa che Lantsch duai daventar il lieu da la scola rumantscha en cas che la vischnanca sa decida per la fusiun. La scola da Lantsch è predestinada per por-

scher a la nova vischnanca d'Alvra ina ferma scola rumantscha. Dues la vischnanca da Lantsch sa decider per in

motiv u l'auter cunter il project da fusiun stuess la vischnanca tuttina mantegnair il lieu da la scola rumantscha.

L'art. 70 da la constituziun federala prentenda numnadamain ch'il princip territorial vegnia resguardà. Quai signifitga

ch'il cunfin linguistic na dastga betg vegnir spustà activamain. Lantsch stuess damai mantegnair ina scola rumantscha er en cas d'ina fusiun cun autras vischnancas ordaifer il project da fusiun Val d'Alvra. Sche Alvra e Lantsch van vias separadas vegni sin fundament dal svilup demographic per omaduas vischnancas difficil d'avair ils proxims onns in dumber da scolars sufficient per lur scolas rumantschas.

Dal punct da vista linguistic: in GEA ad Alvra

Il 20 da settember prenda la radunanza communal da Lantsch posiziun davart il nov project. Dal punct da vista da la lingua e cultura rumantscha èsi da sperar che Lantsch sa decida per il project da fusiun Val d'Alvra. Per Lantsch na sa midass dal punct da vista linguistic betg bier cunquai che la vischnanca è gia oz bilingua (rumantsch-tudestga) e dispona d'ina scola rumantscha. Per la nova vischnanca d'Alvra fiss Lantsch sco nov lieu da la scola rumantscha ina buna soluziun. Alvra, ina ferma vischnanca bilingua che cumpiglia era Lantsch, è dal punct da vista politic-linguistic e politic-cultural la meglra soluziun per la re-



Il messadi prevesa che Lantsch duai daventar il lieu da la scola rumantscha en cas che la vischnanca sa decida per la fusiun.

FOTO TH. GTÖHL